

伐皆偏見一時之利害而未究匈奴之終始也自漢興

以至于今曠世歷年多於春秋其與匈奴有脩文而和

親之矣有用武而克伐之矣有卑下而承事之矣師古曰下

音胡亞反有威服而臣畜之矣詘伸異變強弱相反是故其

詳可得而言也昔和親之論發於劉敬是時天下初定

新遭平城之難故從其言約結和親賂遺單于冀以救

安邊境孝惠高后時遵而不違匈奴寇盜不爲衰止而

單于反以加驕倨逮至孝文與通關市妻以漢女增厚

其賂歲以千金而匈奴數背約束邊境屢被其害是以

文帝中年赫然發憤遂躬戎服親御鞶馬從六郡良家